

# سورة النصر , سورة التوديع □□ أسرار مع القصار - الشيخ محمد

خيرى

محمد خيرى

الحمد لله رب العالمين له الحمد الحسن والثناء الجميل. واشهد ان لا اله الا الله وحده لا شريك له واشهد ان محمدا عبده ورسوله. وبعد فما زال حديثنا حول آيات القصار من كتاب الله جل جلاله. وكنا قد توقفنا - [00:00:00](#) آآ عند قوله تعالى في سورة النصر بسم الله الرحمن الرحيم اذا جاء نصر الله والفتح. هذه السورة هي صورة مدنية اي نزلت على النبي صلى الله عليه وسلم بعد الهجرة. وهذه السورة ترتيبيها - [00:00:30](#) في المصحف بعد سورة الكافرون. يعني وانت بتقرأ هتلاقي سورة الكافرون ثم سورة النصر. اهل العلم الذين يتكلمون في علم يسمى العلم المناسبات يعني هل هناك مناسبة بين هذه السورة وتلك الصورة؟ ابداء العلماء يتكلموا - [00:01:00](#) في نهاية سورة الكافرون كان في وضوح وتمايز عالي جدا صح؟ لكم دينكم ولي دين اذا جاء نصر الله والفتح. جاء نصر الله والفتح. جاء متى عند التمايز يا مسلمين لن تتمكنوا من الانتصار ولن تتمكنوا في هذه الدنيا - [00:01:30](#) الا بعدما يحدث التمايز والمفاصلة الواضحة. فده اول مناسبة. في مناسبة تاني؟ اه. العلماء يقولوا ايه؟ سورة الكافرون اتت بعدها سورة النصر والنصر يعني في معركة وفي ايه؟ احتدام في صراع في مدافعة صح؟ كأن الله يربيك - [00:02:00](#) ويعلمك ويغرس فيك الوحي ان سم معركة بينك يا ايها المسلم وبين اهل الكفر. لازم في ايه تدافع وللازم فيه احتدام. ففكرة انك تتمنى او تتخيل دين دين الاسلام بلا اعداء ده وهم. فالاصل - [00:02:30](#) ما دا هيجدس هيجدس. فاذا جاء نصر الله الصورة اللي بتتكلم على النصر قبلها قالت لك ايه بالك لابد من مفاصلة. سورة النصر من اواخر سور القرآن. عشان الوحي ربيك لو انت عاوز نصر زي ده اه. ارجع بقى شف البقرة علمتك على ايه وعلى ال عمران والنساء وكل اللي وراه - [00:03:00](#) كل ده اذا عشت عليه. وامنت به وتمسكت به ييجي النصر. لكن انك عاوز مصر بلا ارتباط بالوحي هيهات هيهات هيهات. من الحاجات الجميلة قوي ان القرآن وانت بتقرأ تتدبر القرآن القرآن يطوف بك. سورة الكافرون تاخذك فين؟ انت قاعد في مكة - [00:03:30](#) المفاوضات تعبد الهنا ونعبد الهك سنا محمد وبتاع صح؟ وقاعدين نفاوض طيب سورة النصر بتقول لك ايه بقى؟ قاعد في المدينة والوفود داخلة عليك. فانت سبحان الله قلبك وعقلك بييجيب المشهدين ميزة القرآن ان بيطوفك. طوافك مرة فوق تبص على العرش. والملايكة حول هذا العرش تسبح - [00:04:00](#) ومرة واحدة تنزل الارض وتشوف سبحان الله البحار فيها ايه والسفن اللي ماشية والفلك واللحم الطري كل ده والقرآن ايه يطوف بك. عشان كده ميزة القرآن وانت بتقرأ بتفكر يختصر لك الزمان وآآ يجمع لك المكان - [00:04:30](#) يبقى قدام عينك كده شايف كل حاجة ودي من بركات الوحي. الصورة اللي بعد النصر سورة ايه؟ تبت يدا. دي فين كان في مكة ولا في المدينة ولا كانت الطايف. كانت فين؟ في مكة. صح؟ كان لسه بيقول لهم ايه - [00:04:50](#) تعالوا تعالوا اقول لكم لما ربنا قال له انزل عشيرتك الاقربين فجمع اهله وبدأ يتكلم معهم قال له يا عمو تبا لك. سائر اليوم الهذا جمعتمنا؟ يا اخي انا فاركك هتجمعنا عشان حاجة يعني هناكلها. حاجة هنشربها ، حاجة يعني متعلقة بدنيا. جيب لي بقى وربنا - [00:05:10](#)

توحيد والكلام الايدك. فمش عارف في حد يسمعه حتى عمه اقرب الناس صح؟ كأن الله فيقول للنبي صلى الله عليه وسلم فاكر يا

محمد والوفود داخلين عليك اهو فاكر زمان عشان كده - [00:05:30](#)

القرآن يربيك وانت بتقرأ طب تقرأ دلوقتي تحت التكييف وانت رايق. وانت بتقرأ سورة النصر وخلص وقدامك الصورة والقرآن يقول

لك شفت لما حصل النصر ده اه فاكر بقى اللي حصل زمان ايام المسل فكأنك - [00:05:50](#)

بتقول ايه؟ فعلا. هو مين اللي عمل الكلام ده؟ الصمد قل هو الله احد. فتيجي بقى تلاقي الصور كلها انسجمت. تطلع من النصر كده

تتذكر الماضي فتنكسر. وتعلم ان الصمد هو الذي - [00:06:10](#)

مكن لك بس انت هتتساب ولا هيبقى لك اعداء؟ هيبقى لك اعداء صح؟ ليل نهار اعداء هي واعداء زاهرة عشان كده انت محتاج

تستعيز بي قل اعوذ برب الفلق. وقل اعوذ برب الناس. خلصت ارجع ثاني - [00:06:30](#)

من اول وجدديد. فالقرآن علم المناسبات ده علم جميل قوي. يقول الله سبحانه وتعالى في هذا الصورة بسم الله الرحمن الرحيم. اذا

جاء نصر الله والفتح. هذه الصور من اواخر ما نزل على - [00:06:50](#)

صلى الله عليه وسلم ودي اخر سورة كاملة نزلت على النبي صلى الله عليه وسلم. والسورة ديت سماها العلماء سورة التوديع. لان فيها

اياه؟ نعي النبي صلى الله عليه وسلم - [00:07:10](#)

فين النعي هنا؟ ابن عباس حضر هذه الامة. ودعا له النبي صلى الله عليه وسلم. تعالوا ان ايه ان ربنا يرزقه فهم خاص. ان يعلمه

التأويل. ولزلك تلاقي الصحابة يقول لك فلان - [00:07:30](#)

آآ عالم فلان كزا يجي عند ابن عباس يقول لك ايه؟ الحبر. ابن عباس هو اللي واخذ اللقب ده الحبر يعني ايه الحبر يعني صاحب العلم

ليه؟ الواسع. المادة دي عموما مادة الحاء والباء وفاء اما بتكون في جملة - [00:07:50](#)

اعرف ان في اتساع. يعني البحر في اتساع في المية صح؟ ففي حاجة واسعة. طب الحرب؟ مش اتنين بس بيتقتلوا. يعني لو في

واتنين بيضربوا بعض يقولوا اهي خناقة صح؟ طيب هيبقى بقى ايه؟ دولة بتخبط دولة يقول لك ايه؟ حرب ليه؟ لان القتال ايه -

[00:08:10](#)

شديد يقول لك تعال يا عم المكان ايه؟ رحب واسع. فشوفت جمال اللغة العربية تلاقي جملة واحدة مليانة ايه؟ فيها اشتراك. رغم ان

الكلمات مختلفة بس الالفاظ اصلها لبنية واحدة. فعشان البنية واحدة - [00:08:35](#)

كده حتى وانت يقول لك ايه الحبر وقع على الجلابية. طب ليه سمي الحبر كده؟ لانه هو مش مجرد نقطة. بيحصل انتشار واتساع.

فدايما اللفظ بقى فيه ايه؟ فيه رحرحة كده زي الناس اللي مرحة دلوقتي كده - [00:08:55](#)

فهذا نص لفظ فيه معنى الاتساع. ايه اللي وجينا هنا؟ حد واخذ باله؟ ايه الاخوان رحمة قوي وجينا البحر ايوه يا ابن عباس الحبر

مش انا قلت لك في ناس مرحة كده ابن عباس رضي الله عنه كان حضر - [00:09:15](#)

الصحابة كان دقيق الفحم. وكان عمر رضي الله عنه بيقرّب منه الكفاءات. فكان دايما يا ربي ويقرب مين اصحاب الكفاءة العالية. في

كم من ضمنهم مين؟ ابن عباس. وكان عمر له مجلس بيقتعد فيه اشياخ بدر - [00:09:35](#)

بل نزل مخمخة قوي واللي لهم سبق. ما انت هتتعد بناء على ايه؟ ما هو آآ كل واحد له سيرة ذاتية طيب ايه السيرة الذاتية بتاعة

الناس دي شيوخ بدر وشيوخ بدر واخدين صك بالامان والنتيجة - [00:09:55](#)

طلعت اعملوا فايه؟ فقد غفرت لكم اعملوا ما شئتم فقد غفرت لكم. النبي صلى الله عليه وسلم بيقول لعمر لعل الله اطع على اهل بدر

فقال لهم ذلك. فشوف بقى اما واحد تبقى ايه نتيجته كده طلعت. ودرع ما نتيجتهم كانت بتطلع بيزداد - [00:10:15](#)

بزلا لا يتكى عليه. يعني بتستشعر كده لو انت شفت رؤيا للنبي صلى الله عليه وسلم بيقول لك ايه؟ محمود انت في الجنة وبين

السابقين ومن اوائل من سيدخل. هتصلي الفجر؟ ما النتيجة طلعت خلاص اصلي ليه؟ فيه - [00:10:35](#)

واحد يزداد شكرا وبزلا صح؟ يعني النبي صلى الله عليه وسلم في الحديث المشهور جدا. لما قال ان فيه الف هيخشوا الجنة بلا

حساب ولا ايه ولا عزاب. ففي واحد رفع ايده كده وقال له يا رسول الله سل الله ان اكون منهم. حد فاكر - [00:10:55](#)

عكاشة ابن محسن. فقال له ايه؟ انت منهم. قدامكم كلكم شفتم اهو لا عزاب ولا ايه؟ حساب بس سلام عليكم بقى ايه؟ والله ما ايه  
خلاص انت اللي قلت لي. انتم عارفين عكاشة ده ايه اللي حصل؟ بات شهيدا - [00:11:15](#)

يعني مات فين؟ في المعارك. عشان كده السناء ده بيدفع الناس. النبي صلى الله عليه لما قال لخالد ابن الوليد انت سيف الله عمل ايه؟  
خاض اكثر من ميت معركة ومية احتكاك. على طول اتحرك - [00:11:35](#)

سبحان الله! فعمر بيقتد دايم قريه منه مين؟ الكبار شيوخ بدر بس فيه شاب صغير كده قاعد ومن الحبر ابن عباس. الصحابة برضه  
مش انبياء يعني ومش ناس معصوبة. ويحصل في قلوبهم زي ما بيحصل ايه؟ في قلوب - [00:11:55](#)

الافاضل اللي بيسمعوني عادي يعني هم بشر يعني. ففي ناس وجدت في نفسها ان ابن عباس بيقتد معهم حتى قالوا ايه؟ لنا اولاد  
مسئ. اشمعنا هو اللي يفتد يعني؟ وده شيه فطري صح؟ شيه فطري ولا مش - [00:12:15](#)

الفطري شيه فطري يعني تلاقي كده ايه الشيخ اللي بيصلي بكم في الجامعة عاوز ابنه يبقى شيخ. وهو اللي عاوز يصلي. فالشعور ده  
عادي كان موجود في الخليل صح؟ اما سيدنا ابراهيم قال ومن ذريتي وانا برضو ايه؟ يبقى من ذريتي. ربنا ايه؟ قال له لا وربنا -  
[00:12:35](#)

لم يعاتبه في الطلب لانه طلب فطري ولا مش فطري؟ دكتور الجامعة عاوز ابنه ايه؟ جميل ان هو يكون شعور فطري ده عادي بس يا  
ريته يقف هنا لكن ينجحهم ويرسخوهم ويدوهم كل حاجة هنا بقى يبدأ الاشكال. فالشعور ده ان يكون موجود ان ابنك -  
[00:12:55](#)

في مكانة دينية او دنيوية هذا لا تلام عليه. لان ده شعور ايه؟ فطري بامتياز فهم قالوا اشمعنى ده اللي يفتد؟ عمر كان يقول ايه؟ ده  
امير المؤمنين. المفترض يقول ايه؟ هي كده واللي عاجبه مش عاجبه يطلع برة العتبه - [00:13:15](#)

انا شايف كده. وانتم دايم هتدركم عندكم الحسد والغل والحقد ومش عارف ايه وسيبوهم وياخدوا مساحتهم. انتم هتاخدوا دوركم  
ودور تركوا ولا ايه؟ لا لا ابن عمر عملي عمر رضي الله عنه عملي. عمل ايه عمر؟ عمل سؤال كده قدام الناس في - [00:13:35](#)

الكعبة. المشكلة السؤال ده ان ابن عباس هرشه وعرف ان هو يريد بالسؤال ده انه يزهر مكانته. يقول جلست عمر في مجلس كان  
يحدث يجلس فيه شيوخ بدر. فقال عمر سائلا ما تقولون - [00:13:55](#)

في قوله تعالى اذا جاء نصر الله والفتح. طبعا السورة دي كلها احنا عارفينها. ده احنا لو كنا قاعدين كنا اتكلمنا فيقولوا تقولوا ايه في  
الصورة دي؟ فكلهم ده انهم يتكلموا وقال ابن عباس وعلمت ماذا يريد. انا فهمت كويس قوي هو عاوز ايه - [00:14:15](#)

ده الزكاة ابن عباس صح؟ قبل ما تقول زكاة ابن عباس قل لي دعوة رسول الله له. صلى الله عليه وسلم. اوصه ادركته دعوة النبي  
صلى الله عليه وسلم. فابن عباس بيقول كل واحد بدأ يجاوب وعمر يعدي يعدي - [00:14:35](#)

ابن عباس قال ما تقول فيها يا ابن عباس؟ تقول فيها ايه؟ قال اقول هذه السورة في فيها اجل رسول الله صلى الله عليه وسلم. ان  
السورة دي فيها اشارة لبوت النبي صلى الله عليه وسلم - [00:14:55](#)

طبعا انت استشعر لو انت قاعد القعدة دي. فين موت النبي هنا؟ فعمر قبل ما يجاوب وقبل الامام يقول ايه والذي نفسي بيده اني لا  
اقول مثل ما تقول. انا برضه ده اللي انا ايه؟ هذه السورة لما - [00:15:15](#)

نزلت على النبي صلى الله عليه وسلم. جاءت روايات ان الصحابة قالوا دعيت له نفسه وفي رواية ان عم النبي العباس بكى فقال ما  
بيكيك يا عباس؟ قال نعي لك نفسك يا رسول الله. نعيد لك نفسك. خلاص النعي جه. طب وهي فين النعي هنا؟ قال لك الاية فيها  
اكتمال - [00:15:35](#)

الدين لانها نزلت برضه ايام ايه؟ فيقولوا ان الاية دي فيها ايه؟ السورة فيها كمال الدين وقد فطر الله هذا الكون على انه اذا جاء  
الكمال بدأ النقصان. هو ربنا وضع - [00:16:05](#)

في الدنيا دي كل كده حاجة. اي حاجة تصل الزروة تبدأ ايه فيها النقص. ولذلك في يوم من الايام النبي صلى الله عليه وسلم عمل ايه  
في واحد قال ايه انا كانت دايم ناقة النبي القصواء تسبق اي ناقة. في يوم من الايام - [00:16:25](#)

في واحد اعرابي حط الناقة دي في دماغه. وبدأ يسابق بناقته ناقة رسول الله. فالراجل فاز فهب عايزين يضربوك. شوفوا حبهم للنبي  
الدرجة ايه وانت تسبقها ليه انت؟ انت ايه اللي في دماغك؟ سبحان الله - [00:16:45](#)  
بدأهم النبي واخبرهم ان الله سبحانه وتعالى كتب على كل شيه بلغ الزروة ان يبدأ ايه؟ التناقص. حتى لا فينا حد. شف انت قوتك  
اول ما تبقى بقى زروة القوة ودماء الشباب وبتاع والعزمة والصحة تبدأ - [00:17:05](#)  
برضو نرجع ثاني الشيخوخة والسن الكبير وخشونة الركبة والرجل ومش عارف اصلي وانا واقف ربنا يحفز الجميع ويجمع لنا ولكم  
بين العفو والعافية. فيبدأ الانسان يضعف يضعف هو كده الاكتمال بعده ايه؟ الضعف والنقصان - [00:17:25](#)  
الصحابة ايه؟ قال لك ان الصورة دي فيها الاشارة دي. وقد كان الصورة دي من البداية بتقول لنا ان نصر مين؟ نصر الله. اذا جاء نصر  
الله. نصر الله. فالنصر مش - [00:17:45](#)  
اه انت قدم عليك ولا عليك. انت بتقوم بالاسباب. لكن مش انت اللي مسئول عن النتائج. يوم القيامة هنتحاسب على السعي ولا على  
النتيجة. ها احنا بينا وبين بعض بنحاسب بعض على ايه؟ على النتيجة. احنا - [00:18:05](#)  
عم عبود اداك المفتاح وقال لك ان عكرا تعبان. رح انت بدري او انا هتاخر شوية تفتح المسجد وتأذن الفجر. انت زبطت ربه وعملت  
كل حاجة وصحيت وانت نازل يا سيدي ايه اللي حصل؟ اتكعبت - [00:18:25](#)  
المفتاح طار منك على السلم؟ طارئ. مش لاقيينه ما فتحتش الجامع. يبجي الناس بتعزرك ولا بتلومك؟ فين المسجد ومش عارف ايه  
وراحت علينا الفجر مش عارف ايه ويا اللي ساهمت في اضعاف الناس ما سمعتش النهاردة الاذان يا اللي سهر يا اللي حجبت الناس  
النهاردة عن سماع الاذان؟ يا جماعة - [00:18:45](#)  
كفروني والله المفتاح وقع مني. والدنيا ضلمة ومش شايفه. طبيعة الناس. تروح لدكتور كده تقول له والله انت شايفني طول السنة انا  
اول واحد قاعد في عمري ما غبت ولا محاضرة. ومسلم كل الشيتات بتاعتي. وحضرتك شايفني اكرر واحد بزكر. كنت دايماسالك  
يقول لي - [00:19:13](#)  
دخلت اللجنة اصل انا امي وابويا وزعلوا مع بعض كنت بصالحهم وامي قالت تحرم علي لو سبتني وانا في الوقت خليكوا عند الست  
الوالدة. انت ساقط. لكن يوم القيامة لأ. وان ليس للانسان - [00:19:33](#)  
الا اسعى عشان تعرفوا رحمة ربك. انك تشتغل؟ اه. بس. النتيجة حصريا ما لكش علاقة بها مش بتاعتك. عشان كده دي من الايات  
المريحة. الايات اللي تديك طاقة نفسية وسكينة رهيبة. ليه - [00:19:53](#)  
انا مش دوري اغيرك. انا مش مخلوق عشان ربنا اداني ادوات ان انا اغير الخلق. لأ انا لي دور ان انا ادعو الخلق اما تغييرهم مش  
بتاعتي. انصحك ازكرك تنصحنى تزكركي لكن في حد يغير الثاني - [00:20:13](#)  
حصريا عند الله. فاحنا بنزل لكن النصر عند مين؟ مش بتاعنا. اذا اتى نصر الله اذا جاء يقولوا ان الاتيان بيكون فين؟ في الامور  
المعنوية. تؤتى الحكمة. تؤتى الاشياء المعنوية. لكن الحاجات - [00:20:33](#)  
يتقال عليها ايه؟ مجيء. جاء. هنا ذكر الله النصر والفتح. بصورة فيها ليه فيها صورة حسية عشان يقول لك هيبجي وهتشوفوه زي ما  
انتم بتشوفوا الحاجة الحسية الواضحة. اذا آآ نصر الله والفتح. النصر فيه المغالبة. لكن مش شرط ان يكون فتح. يقول لك ايه -  
[00:20:53](#)  
منتصرنا عليهم يعني احنا انتصرنا على الكفار في يوم بدر صح؟ لكن تمكنا من مكة خدنا بلدهم لأ الفتح اسمه فتح مكة الفتح اللي  
فيه التمكنا. النصر فيه غلبة. لكن الشرط ان يكون فيه تمكنا من بلاد ايه؟ هؤلاء. اذا جاء نص - [00:21:23](#)  
الله والفتح. هذه السورة وهختم بالفائدة دي ونكمل المرة القادمة. بتعلمنا اشياء. الاية اتعلمنا حاجتين نستفيدهم منها. اول حاجة الا  
تعجب. فالنصر نصره وليس نصرك اوعى تكون فاكر ان الموضوع ده بتاعك انت. هو مين اللي من عليك؟ ومين عشان كده الصورة  
جاية تقول لك ايه؟ اما يبجي النصر نعمل ايه - [00:21:43](#)  
فرح المؤمنين غير فرح غير المؤمنين. احنا بنعبر افراحنا وسعادتنا وانتصاراتنا ازايا؟ مش بنضرب احنا شماريخ اخوة دانة هيه وبس

وهات مش عارف زي الناس النهاردة اللي بتيجي تعبر نفسها في الفرحة يجيب حاجات مسكرات ويشربها صوايخه يفزع الناس -

[00:22:13](#)

انتم عارفين حديس النبي صلى الله عليه وسلم من فزع مسلما فزعه الله يوم القيامة. تبقى مبسوط انت وبتلعب عجبته يوم الاقيه كده تروح حاطط صاروخ تحت الكرسي وتجري وجده يتنفذ وبتاع وماما مبسوطه ان جده ايه حاجه مصورينه - [00:22:33](#) ونرفع الصفحة للعيلة والله لتترفعوا كلكم يوم القيامة. ان لم تتوبوا. حتى لو هو يعني ضحك بعد كده بس السي فزع من فزع مسلما.

انتم عارفين يا جماعة في الشرع لو فزعت واحد. يعني - [00:22:53](#)

وبال على نفسه. العلماء دي يقول لك تعال بقى لو فيه قضاء شرعي. استنى بس انت عملت في الراجل ده كده اه خليته يبول على نفسه؟ اه فيها الدية تشوف بعض الناس اتبسط ولا هي طب يا ريتها تتعمل فيا. عشان اللي ايه ادفعه شوفوا الدين قد ايه انت عظيم.

وقد ايه انت لك مكانة. لدرجة اللي - [00:23:13](#)

فزعك ربك سبحانه وتعالى. يتولى ان يدفع عنك. فيهدد كل واحد يفزعك عشان كده الاسلام بيهزأ الانام بيهزب الانسان. تلاقي دايمًا حتى وانت بتحاصر المجرم انا عاوز احاصره بقدر الامكان لا افزع اهله ما هو اهله مش واحد تاجر - [00:23:37](#)

مخدرات والزباط رايعين يجيبوه من البيت. له بنته وليه مراته وليه بتاع غلابة ما لهمش دعوة صح؟ ما لهمش زنب. فتلاقي الاسلام بيقول للظابط اللي رايع يجيب الراجل بتاع المخدرات ده. حاول تجيبه باقل درجات الفزع. فشوف سبحان الله! ولزلك - [00:24:07](#)

اتلاقي حتى في الحاجات الامنية تلاقهم وهم بيربوهم ويدربوهم. يقول له ايه؟ انت تستعمل ايه الاول؟ وتحاول الاول قلت اعمل واحد واتنين وتلاتة ما تخترقش الا لما يحصل كذا ممنوع استعمال النار الا لو كذا وكذا وكذا وكذا. الحاجات دي كلها دينك بيأمرك

- [00:24:27](#)

بها. ليه؟ عشان الاصل ديننا ده دين السلام ودين الامن والامان. انك تأمن كل مسلم. فشوف سبحان الله فالاية دي بتقول لك انك الفرع بتاعك وانتصاراتك اللي ربنا من عليك بها بتتعامل معها ازاي؟ بالتسبيح - [00:24:47](#)

فسبح بالاستغفار. انك تتذكر اللي من عليك. ولزلك دخل النبي مكة وهو ايه؟ واضع رأسه انظروا الى الارض متواضع مش يقولي

خلاص بقى وانتصرنا وعملنا صلى الله عليه وسلم. الحاجة الثانية اللي في الاية دي - [00:25:07](#)

انك بتقول لك انت ايه دورك مع نصر ربنا؟ هل انت عايش كمسلم انك تنصر هذا الدين؟ ده انت مشغول به ولا لأ طب ازاي انصر دين

الله وايه اللي ممكن انا اعمله خلينا ان شاء الله المرة القادمة بازن الله نتطرق لهذه الامور - [00:25:27](#)

اسأل الله سبحانه وتعالى ان يرزقنا واياكم حسن العمل وحسن الخلق وحسن الختام. اقول قولي هذا واستغفر الله لي ولكم -

[00:25:47](#)